

永寧州續志

第二冊

營建志

公署

壇廟

寺觀

食貨志

經費

物產

食儲

公田

學校志

學宮

典禮

學額

義學

永甯州志卷之三

營建志

知永甯州事昆明沈毓蘭續纂

道光二十二年改建

炎帝宮

按州城炎帝宮向在城東 文昌閣門首風鑑家謂
方向不宜時有火患吏目劉宗筠稟其事於州尊

富州尊諭齋長黃有華姚煥章姚琳章李焜徐輝廷
約首士等擇地域西卜日營建且謂苟利於民雖年
月日時不利於官無忌矣半年內大殿兩廂門樓戲

臺一併落成州城火患自此永息

文昌宮後殿

道光二十三年齋長黃有華姚煥章姚琳章李焜徐
輝廷以納亞莊租修建並修砌門前月臺一座接納
亞寨原係文閣廟莊道光元年修書院經前州主
劉撥該莊租息以添經費文閣補修歲修仍係此
莊租穀同學有彼此分岐之議州主陳爲立案文
閣書院均係學校攸關讀書人一體並重兩處修建
皆宜以公辦公以公濟公不必偏持爭執致壞成例

疏本城水道

城東關三水皆由山澗中出卽消於城西落水洞陷
窩坑中向無水患近因山開沙湧水洞填塞夏秋間
城西北田畝民居漸苦淹沒營房尤甚道光三十年
州刺史陳諭生員黃有華姚琳章等顧募民工分三
處開挖每日親督其事計木工石工共二千有零自
是水由舊道民獲安堵矣州士民呈請禁挖營盤坡
六馬坡榛子山一帶官山永立爲案

三十年三月州刺史陳勸捐

重修東西門城樓

新設西門卡房

補修坍塌城牆百數十丈

貢生張紹德
職員龍天培董其事

新修書院學署牌坊

重修講堂補修東西書舍

貢生張紹德捐款

三皇閣

道光二十六年新建在西關筆架山
第一峯前修武謨題額曰凌霄閣

閣地勢高聳望若凌霄旁有大佛洞羅祖洞呂祖閣

曾般閣由閣而下有獅象巖巖上有亭額曰來薰亭

前山路曲折半山修接引佛二殿稱鉅觀焉

培風閣

乾隆五十二年建也閣高三層上供斗姆中供觀音
下供三官俗謂觀音閣者居多其地在城東南隅風
鑑家謂爲本街水口此閣豎後大有裨益故又謂爲
培風閣歷年久遠廟宇傾頽咸豐元年州主周竹樓
刺史來牧是邦百廢俱舉謂此閣有關地方胡不增
而大之於是捐廉倡首重新修建規模壯濶樓上供
斗姆觀音東嶽閣式三層仍舊閣傍添修大佛禪林
三官聖殿兩廊塑十八羅漢天井列十二欄杆殿閣

中間又修橫樓一座可以遊目騁懷別開眼界樓側
耳房小住爲佳樓後廳事報功崇德靈官像正對閣
門丞相祠側設閣左更有字庫鼎立白果高標春夏
枝葉茂密不啻甘棠流蔭更有左右廂房通計工料
費用總在千金以外 周竹樓刺史始終栽培捐廉
近三百之多吳崇陽首士竭力經營修造歷四年之
久衆善樂輸垂碑勒石更有楹聯名句氣得江山是
誠一大關會

閣上對聯

州刺史竹樓周夔作

特特更增高客上此樓真倚斗

森森看並列山環似笏各朝天

橫樓對聯

訓導自堂戴光遠作

小立樓頭看塔影聳入雲霄層層增人眼界

閉吟閣外聽泉聲響餘林壑滴滴悟我心源

以外何人吹玉笛

吏目雨香陸炳圖作

箇中有味熟黃梁

莫謂邊山小樓難窮千里試覽全黔輿志足踞鎮遠
腹橫貴陽至此特標頂站如帶如礪巡檢早設盤江

環視雙塔矗烟三獅拱象七星懸洞一閣凌霄喜得
得圓光真箇是頭昂遙天眼看滄海

儘有中州勝概來觸寸心嘗讀歷代史書衛寄安南
司分募役於今統治查城維藩維垣鎖鑰特重關嶺
遐想曬甲丞相鑄橋觀察殉父孝子留節賢媛悵悠
悠往事總勿忘士食舊德農服先疇

板貢吳寅邦作

大門聯

道光己酉科板貢荷廷龍運光作

峻閣矗層霄萬丈文光輝北斗

方州開勝境三元景運會南天

節孝祠

舊基址在新街守備署右道光二十五年州人士請
建總坊卽請建祠經費共銀四百餘十兩楊進士倡
首捐銀五兩餘俱眾節孝子孫自捐辦理生員黃育
華監生甘家善董其事生員黃燦光弟兄捐阿康寨
地一幅歲收包穀五石修柄捐蘿蔔寨修家田一坊
歲收毛穀五石七斗尾納吳張氏捐養看司穀三石
每年吳榮封自行量清咸豐元年舉人修武謨請
州尊周竹樓先生撥學中公銀九十兩易姓地價銀

二十兩移建

文廟左側以符定制將舊祠改昭忠祠

並爲題聯

節孝祠聯

七千里邊隅覃敷文教看此地雅化彬彬某也貞某也孝懿矩芳型垂金石而不朽

二百年曠典特播恩綸問何人生氣凜凜若者節若者烈苦心孤詣懸日月以常昭

崇報祠

舊設義學耳房規模太狹不足奉祭祀昭誠敬咸豐

元年舉人修武謨生員黃河光潘德深孔繼先請撥
公銀並納亞收獲黃姓地價銀三十兩改建維風書
院門首內設三座凡有功德於永者祀之

第一座神牌五塊

南大老爺印 災曾

興義苗變
保守孤城

嘉慶二年任

許大老爺印 華銑

實心教民
勤於課士

道光六年任

蓋大老爺印 星階

請建總坊
有功風化

道光二十一年任

周大老爺印 獻廷

勸捐寶興
澤被士林

道光二十五年任

陳大老爺印 鏊

整飭士習疏通水道新街田廬
兵房均沾其利道光三十年任

中一座神牌三塊

劉大老爺

印

嗣矩

創建書院親主講席州人思慕其德每年四月初七日士民公同祭祀道光二年任

黃大老爺

印

培杰

請加學額纂修州志

道光十五年任

周大老爺

印

夔

重建培風閣移建節孝祠咸豐元年任

按竹樓先生治永一年旋調黃平永士人思慕不置同劉曉村黃植圃兩先生並稱循良本城關嶺黃葛壑灞陵橋坡貢均立牌以誌德政爰因人情愛戴之深核其治永功德之實其功之及於地方者在除暴安良其德之入於人心者在勤民愛土

第三座神牌五塊

謝公印廷薰

周公印維新

錢公印嵩年

修公印武謨

張公印紹德

按後二塊神牌咸豐末年增入

陳景溪先生

周竹樓先生

由永甯學正陸婁縣知縣乾隆四十二年創修永甯州志

康熙年間

新舖耆老捐修西廡並置偏坡寨學莊

舉人請廣學額有功義舉

倡修書院

文德坊 在西關坡頭

文教坊 在書院門口

修母羅太孺人

節孝坊

在水關大路

修母萬孺人

孝慈坊

在西關坡頭路傍

蘇母聶孺人

節孝坊

在大街中

壽佛寺

大殿靈蹟載州志
咸豐三年新修戲臺前殿

妙明洞

在關嶺向名觀音洞學使
咸豐元年竹樓州尊勸捐重修洵永甯地方大觀

許題額已載原志

小飛雲巖

在西南朝陽洞內
竹樓州尊題巖

財神廟

咸豐二年孀婦劉葉氏
修建在永甯場壩口

鄧公池

同演武廳後水池俱鄧式如捐修

永甯場壩口向有空地一幅相傳財神廟舊基齋

民劉忠賢屢議修廟未成咸豐三年春三月冰關
頭不戒於火延燒三十餘戶 鄧少牧勘得場墾
空地捐修水池以備火患劉葉氏仰承翁志修廟
池後四圍俱用木檻外加磚牆然後開門於前州
人題額於門首曰鄧公池以志其德 州尊黨給
匾葉氏曰克承翁志以旌其孝庶激濁揚清後人
有所觀感云按永甯少牧有功德於永甯者后花
農劉竹友後厥惟鄧式如云

孝子蕭枝松坊

在州城東關

二十五年初建磚坊逾年傾圮二十八年改建木坊州人士題額弔之捐軀救父痛當年血染沙場不惜一死陳情籲天幸而今名光竹帛願教再生附孝子事實

文童蕭枝松蕭占國長子嘉慶二年狎苗滋事蔓延永甯時枝松年甫弱冠占國年逾六十父子二人同本城數人逃難至石龍關遇賊衆各逃命奔散枝松負父行遲賊逼近拚死救父父子同時被害死後猶抱持父屍同行入皆見其事

公署

考棚行臺監獄附

知州署舊毀於兵同治十一年知州徐樹德依舊址重修上房五間左右廂房六間二堂五間左廂房三間右廂房二間大堂三間儀門五間頭門三間鼓亭兩座工未竣知州吳宗琳接修西花廳四間對廳三間書辦房八間班房二間轅門二架光緒五年知州龍聲洋復修上房對廳三間二十年知州沈毓蘭修換桅桿壹對

訓導署兵燹後僅存基址光緒十七年訓導楊械林

會同知州沈毓蘭請款重修上房三間左右廂房四間頭門一間復會商紳士就地籌修明倫堂五間並題一聯云學制復其初僅云記誦詞章道猶未也人倫明於上請將子臣弟友義更申之工程載在碑記巡檢署光緒十三年署巡檢嚴輔清請款重修上房三間左廂房三間過廳一間大堂三間頭門三間守備署舊毀於兵光緒十四年守備趙連貴會同知州沈毓蘭請款重修上房三間左右廂房四間大堂三間頭門三間虎座門一間

募役泚千總署光緒十九年千總顧寅基請領廉俸
重修上房三間大堂三間頭門一間勿論正署印作
爲八年流攤稟立有案

維風書院光緒十二年知州楊承敘撥學中公款重
修上房三間左右廂房四間講堂三間頭門一間齋
長張純錦龍運乾張德馨董其事

考棚州城向無考棚每遇歲科兩試均就州署東西
花廳由諸童自備棹橙旣形擁擠又難稽查闕防不
嚴真才難得光緒九年知州崔暎籌款創修大堂五

闢左右號房十二間文光門五間頭門五間甬壁一座復於公地外添置修姓地基數間修理上房三間廚房三間編號詩四十字云堂堂天塹是山澤自來雄關嶺千重起盤江九曲通應多奇傑士具有化裁工奮爾詩書志相期樂共崇並題一聯云試帖小楷時文極力求工豈便算儒生學問家庭宗族鄉黨本身作則還須盡分內修爲閱年餘工竣棹椅床榻俱備局式宏敞不惟應試者得廣廈之庇卽宗師過境亦可襜帷暫駐矣

坡貢行臺同治十二年善後總局委員同知王以鎔
修理上房五間過廳三間中廂房四間川堂五間下
廂房六間頭門三間鼓亭二間東西轅門二架廚房
二間毛厠一間前後左右圍牆甬壁一座光緒十四
年知州沈毓蘭請款補修

叮咭塘尖站行臺上房三間廂房過廳六間下房三
間下廂房四間頭門三間毛厠一間前後左右圍牆
光緒十四年知州沈毓蘭請款補修

坡貢驛號上房三間卯廳一間馬房五間廚房二間

頭門三間因無款可請係由歷任知州捐廉補修
州署監獄正房三間中供獄神左右收禁男犯又二
間收禁女犯又一間爲兵差房過圍石墻歷任知州
均各捐廉補修

附載棲流所光緒四年知州梁宗輝重修草房四間
壇廟

先農壇光緒十九年知州沈毓蘭籌款重修正殿三間偏
厦二間山門一間戶書王執中監修

文廟光緒元年知州施耀修大成殿五間戟門二宮牆一

二年知州梁宗輝接修大成門東西兩廡及名宦鄉賢二祠十九年訓導楊域林稟奉 藩憲王批准發給十年廩需銀七十餘兩重修

崇聖祠三間款尙不敷由齋長鄭宣輝撥學中公款添修並修神龕牌位

二十年知州沈重修樵星門一架係學中存款銀三十三兩又罰款銀二十五兩其餘不敷由學中公款撥添鄭宣輝監修武廟光緒元年知州施耀守備陳志道重修正殿三間左廂房三間十八年知州沈毓蘭守備趙連貴籌款重修山門一間週圍牆垣

文昌宮光緒十四年知州沈毓蘭籌款重修正殿三間奎閣一間後殿三間山門一間迴圍土石墻垣約數十丈齋長瞿昌基鄭宣輝楊再熙董其事

炎帝宮光緒十四年知州沈毓蘭籌款重修正殿三間左右廂房各五間抱沙廳一間山門一間附生黃文燦軍功吳冠山董其事

城隍廟光緒二年知州梁宗輝修正殿三間抱沙廳三間三年書差捐修土地祠三間六年地方紳耆募修兩閣十二間

昭忠祠光緒十七年知州沈毓蘭籌款補修把總方萬發

監工並錄前人對聯云風雨興師險遠山川悲壯士

春秋致祭馨香俎豆報忠魂

文昌閣

在新場光緒二年新修

關帝廟

在募役司光緒二年重修

寺觀

觀音寺

在募役司光緒元年重修

無量寺

在大水溝光緒三年重修

壽佛寺

在城外大街光緒九年重修

飛雲碕

卽觀音碕光緒十六年知州沈毓蘭等款補修

大佛碕

光緒十六年知州沈毓蘭補修羅漢十八尊

萬壽宮

在城外大街光緒二十年重修

娘娘廟

舊毀於兵其址在城內光緒二十年貢生甘培澤改修於城外關聖宮之側

永甯州志卷之四

食貨志

知永甯州事昆明沈毓蘭續纂

經費

捕署遵照新章每年津貼銀捌拾兩按季出具印領
赴藩庫支領光緒元年經善後委員劉青照清出客
田絕逆產會同知州施耀稟請立案着爲捕署官莊
每年租穀壹百石自行收理田冊備卷

巡署遵照新章每年請領津貼銀捌拾兩按季出具
印領赴藩庫支領又地當興郡之衝年中護解地丁

人犯及釐局鑲項差費由本州給津貼銀陸拾兩按月出具申文並印領赴州支領

關稅原卡三道盤江花江而外惟毛口係入滇孔道亂後商賈寥寥由花江分設一卡在打幫渡徵收以廣商船隻不能逕達州境百貨俱集百層徵收難符原額抑亦地運之使然耶

場市亦有沿革如六馬之荒田白石坡向無場市今則商賈輻輳如附城之東瓜嶺居民甚少今則改設享樂亦聽從民便而已

物產

竹貴厥產水銀礦在州治南距募役十餘里道光年間採辦今則洞老水深暫行封止

落盤產水晶石質不甚瑩澈亦間有可取

花江產白石潔白如玉可以琢磨

盤江產花石黑白分明天然藻績

錢法沿革不一道光初年州屬使用鉛錢俗謂之厚錢用時以戔稱量多有用大戔者光緒九年知州崔暎出示禁用州城改用淨銅錢而鄉場用厚錢如故

六馬產冰片葉向無人識近有廣客採辦冬初秋末
就地採葉煎熬其種係叢生草本葉如薄荷

學莊田地

一板門板丙二寨在六馬離城二百里係當業道光二十六年置

一坡壘納顏二寨在六馬離城一百三十里係當業道光二十六年置

一納茹寨在六馬離城一百二十里係買業道光二十七年置

一舊苑係絕產光緒元年善後局委員劉並州主梁詳撥歸學之業其田地四至上抵王姓田下抵羅姓

地左抵黎姓田右抵周姓地

一銅鼓碕係五顯廟業咸豐七年戴州尊改作景賢祠撥歸義學

一落朗寨離城一百一十里收地租銀陸兩田租十八石五斗係巴地趙蔡氏當業光緒六年自願樂輸歸學學中公贈義節雙輝匾額並楹聯以爲好義急公者勸

一養井係本城貢生張汝樂輸當業原租十餘石

一梭竹田地租撥給學書門斗工食道光年間本城

周姓樂輸業

一者棒新寨田租亦係周姓樂輸業今亦撥給書斗
一貓貓冲乾莊壹所係侯進士故業光緒七年其女
張侯氏呈將此業入公原收地租四十餘石

一教場後水淹地壹幅係景賢祠地撥送火神廟
一學宮對面屋基三間係絕業善後局清出設義學
館處

卷之四

四

義倉

一州屬義倉向來分設各鄉兵燹迭經顆粒無有肅清
後改設州城歷任雖有捐輸爲數無幾光緒十五年
知州沈毓蘭任內奉文建修豐備義倉於西偏札飭
各鄉紳董勸捐義穀捌玖百石有奇陸續運入州城
存貯茲除節次賑濟州屬火災外現在實存京石義
穀柒百餘石

永甯州志卷之五

學校志

知永甯州事昆明沈毓蘭續纂

聖廟紀畧

世宗御製祭文廟詩

扶植綱常百代陳
天將夫子覺斯民
帝王師法成隆治
兆庶遵由臻至道
統常存今與古
文明共仰聖而神
功能溯自生民後
地闢天開第一人

五代封王

雍正元年春三月

諭曰至聖先師孔子道冠古今

德參天地樹百王之模範立萬世之宗師其爲功於天下者至矣而水源木本積厚流光有聞必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁紇於宋真宗時追封啟聖公自宋以後歷代遵循而叔梁紇以上則向來未加封號亦未奉祀祠庭朕仰體

皇考崇儒重道之盛心敬修崇德報功之典禮意欲追封五代並享蒸嘗用仲景仰之誠庶慰羹牆之慕內閣禮部可會同確議具奏夏四月丁亥廷臣以孔子

先世五代應俱封公爵議上

上諭曰五倫爲百行之本天地君親師人所宜重而天地君親之義又賴師教以明自古師道無過於孔子誠首出之聖也我

皇考崇儒重道超軼千古凡尊崇孔子典禮無不備至朕蒙

皇考教育自幼讀書心切景仰欲再加尊崇更無可增之處故勅部追封孔子先世五代今部議封公上考歷代帝王皆有尊崇之典唐明皇封孔子爲文宣王

宋真宗加封至聖文宣王封孔子父叔梁紇爲齊國
公元加封孔子爲大成至聖文宣王加封齊國公爲
啟聖王至明嘉靖時猶以王係臣爵改稱爲至聖先
師孔子改啟聖公王公雖同屬尊稱朕意以爲王爵
較尊孔子五代應否封王之處著問諸大臣具奏廷
臣遵 旨更以追封王爵議上

詔追封木金父公爲肇聖王祈父公爲裕聖王防叔公
爲詒聖王伯夏公爲昌聖王叔梁公爲啟聖王

闕里文獻考

避聖諱

雍正三年秋八月癸酉 諭內閣九卿等曰古有諱
名之禮所以昭誠敬致尊崇也朕臨御以來恐臣民
過於拘謹屢降諭旨凡與御名聲音相同字樣不必
迴避近者各省地方以音同而改易者頗多朕爲天
下主而四海臣民竭誠盡敬如此况孔子德高千古
道冠百王正彝倫端風化爲往聖繼絕學爲萬世開
太平自天子以至於庶人皆受師資之益而直省郡
邑之名有聖諱字在內者今古相沿未改朕心深爲
不安爾等會議凡直省地名有同聖諱者或改讀某

音或另易他字至於常用之際於此字作何迴避一
並詳議具奏大學士九卿會議

圍丘字應如故府州縣名交內閣擬字進呈山川鎮市
交替撫更易報部至姓氏按通考大公之後以食采
謝邱得姓今擬作邱至常用宜從古體作業爲允奏
上報可冬十二月庚辰又論內閣曰朕細思今
文出於古文若改业字是仍未嘗迴避也此字本有
期音查毛詩及古文作期音甚多嗣後除四書五經
外凡遇此字並加卩爲邱地名亦不必改易但加卩

旁讀作期音庶乎允協足副尊崇先師至聖之意

關聖
獻考

聖誕齋戒

雍正五年春二月甲子 諭內閣曰三月十八日爲

皇考聖祖仁皇帝萬壽聖節舊例於是日虔誠齋肅禁
屠宰今應永遠遵行至聖先師孔子師表萬世查八
月二十七日爲聖誕之期亦應虔肅致敬朕惟

君師功德恩被億載普天率土尊親之戴永永不忘而
於誕日尤當加謹以展恪恭思慕之忱非以佛誕爲
比擬也著內閣九卿會同確議具奏僉曰應遵

聖諭恭值至聖誕辰内外文武各官及軍民人等致齋

一日不理刑名禁止屠宰永著爲令

闕里文獻考

詣學

雍正二年春二月辛酉 諭曰帝王臨雍大典所以

尊師重道爲教化之本朕覽史冊所載多稱幸學而
近日奏章儀注相沿未改此臣下尊君之詞朕心有
所未安今釋菜伊邇朕將親詣行禮以後一應奏章
記注稱幸非宜應改爲詣字

同上

跪獻

雍正四年秋八月丁卯

上親詣文廟釋奠凡進爵帛皆跪獻禮畢諭禮部侍

郎三泰太常寺卿孫柱曰儀注內開獻帛進酒皆不
跪今跪獻非誤也若立獻於先師之前朕心有所不
安將此諭衆知之爾衙門可記檔案以後照此遵行
跪拜

皇帝詣學禮止三獻六拜康熙二十三年

聖祖親釋奠於闕里禮官以國學儀注上奏奉

旨特改爲三跪九叩

高宗三幸曲阜皆行三跪九叩禮今且載之會典垂爲令
式尊師重道實伊古以來所未有也

皇帝詣學親釋奠行兩跪六叩頭禮 幸魯親釋奠特

行三跪九叩頭禮

同上

聖廟扁額

聖祖御書額曰萬世師表

世宗御書額曰生民未有

高宗御書額曰與天地參

仁宗御書額曰聖集大成

宣宗御書額曰聖協時中

文宗御書額曰德齊疇載

穆宗御書額曰聖神天縱

皇上御書額曰斯文在茲

闕里聖廟對聯

世宗御書聯曰先覺先知爲萬古倫常立極至誠至聖與
兩間功化同流又德冠生民溯地闢天開咸尊首出
道隆羣聖統金聲玉振共仰大成

高宗御書聯曰氣備四時與天地鬼神日月合其德教垂

萬世繼堯舜禹湯文武作之師又覺世牖民詩書易
象春秋永垂道法出類拔萃河海泰山麟鳳莫喻聖
人又紹緒仰斯文識大識小趨庭傳至教學禮學詩
此聯在聖廟詩禮堂 同上文獻考

京師先師廟聯

京師文廟在安定門內太學左乾隆三十二年

欽定大門額曰先師廟二門額曰大成門殿額曰大成
殿並

御書題殿榜又殿內聯曰氣備四時與天地鬼神日月

合其德教垂萬世繼堯舜禹湯文武作之師又齊家
治國平天下信斯言也布在方策率性修道致中和
得其門者譬之宮牆日下舊聞考

大成殿正位

至聖先師孔子

東配

復聖顏子

漢永平十五年祀七十二弟子顏子位第一
魏晉祀孔子均以顏子配唐貞觀二年以孔
子爲先師聖

顏子配饗

述聖子思子

宋大觀二年從祀端平三年
升列哲位咸淳三年配饗

西配

宗聖曾子

唐開元八年從祀
宋咸清二年配饗
宋元豐七年配饗

亞聖孟子

以上配位宋以前皆稱封爵元至順元年贈顏子
兗國復聖公曾子郕國宗聖公子思子沂國述聖
公孟子鄒國亞聖公明嘉靖九年改稱復聖顏子
宗聖曾子述聖子思子亞聖孟子

國朝因之

東哲

先賢閔子

唐開元八年從祀

先賢冉子

唐開元八年從祀

先賢端木子

唐開元八年從祀

先賢仲子

唐開元八年從祀

先賢卜子

唐貞觀二十一年以經師從祀開元八年以十哲從祀

先賢有子

唐開元八年從祀國朝乾隆三年升列哲位

西哲

先賢冉子

唐開元八年從祀

先賢宰子

唐開元八年從祀

先賢冉子

唐開元八年從祀

先賢言子

唐開元八年從祀

先賢顓孫子

唐開元八年從祀

先賢朱子

宋建炎四年生慶元六年卒年七十一清高
元年從祀 國朝康熙五十一年升列哲位

以上哲位宋以前皆稱封爵明嘉靖九年改稱先

賢某子

國朝因之有子朱子升列哲位從一例

東廡先賢

先賢公孫僑

左傳魯襄公八年始見昭公八年卒
國朝咸豐七年從祀原西廡移東廡

先賢林放

唐開元二十七年從祀明嘉靖九年改祀於鄉國朝雍正二年復祀

先賢原憲

唐開元二十七年從祀

先賢南宮适

唐開元二十七年從祀

先賢商瞿

唐開元二十七年從祀

先賢漆雕開

唐開元二十七年從祀

先賢司馬耕

唐開元二十七年從祀

先賢梁鱣

唐開元二十七年從祀

先賢冉孺

唐開元二十七年從祀

先賢伯虔

唐開元二十七年從祀

先賢冉季

唐開元二十七年從祀

先賢漆雕徒父

唐開元二十七年從祀

先賢漆雕哆

唐開元二十七年從祀

先賢公西赤

唐開元二十七年從祀

先賢任不齊

唐開元二十七年從祀

先賢公良孺

唐開元二十七年從祀

先賢公肩定

唐開元二十七年從祀

先賢鄆單

唐開元二十七年從祀

先賢罕父黑

唐開元二十七年從祀

先賢榮旂

唐開元二十七年從祀

先賢左人郢

唐開元二十七年從祀

先賢鄭國

唐開元二十七年從祀

先賢原亢

唐開元二十七年從祀

先賢廉潔

唐開元二十七年從祀

先賢叔仲會

唐開元二十七年從祀

先賢公西輿如

唐開元二十七年從祀

先賢邾巽

唐開元二十七年從祀

先賢陳亢

唐開元二十七年從祀

先賢琴張

唐開元二十七年從祀

先賢步叔乘

唐開元二十七年從祀

先賢秦非

唐開元二十七年從祀

先賢顏噲

唐開元二十七年從祀

先賢顏何

唐開元二十七年從祀
明嘉靖九年罷

先賢縣亶

國朝雍正二年從祀

先賢牧皮

國朝雍正二年從祀

先賢樂正克

國朝雍正二年從祀

先賢萬章

國朝雍正二年從祀

先賢周敦頤

宋天福元年生熙甯六年卒年五十七

先賢程顥

宋明道元年生元豐八年卒年五十四

先賢邵雍

宋大中祥符四年生熙甯十年卒年六十七

西廡先賢

先賢蘧瑗

左傳魯襄公十四年始見卒年無考史記定公十四年孔子猶主蘧伯玉家其卒後於公孫僑蓋三十餘年唐開元二十七年

先賢澹臺滅明

從祀明嘉靖九年改祀於鄉國朝雍正二年復祀唐開元二十七年從祀

先賢宓不齊

唐開元二十七年從祀

先賢公冶長

唐開元二十七年從祀

先賢公皙哀

唐開元二十七年從祀

先賢高柴

唐開元二十七年從祀

先賢樊須

唐開元二十七年從祀

先賢商澤

唐開元二十七年從祀

先賢巫馬施

唐開元二十七年從祀

先賢顏辛

唐開元二十七年從祀

先賢曹卹

唐開元二十七年從祀

先賢公孫龍

唐開元二十七年從祀

先賢秦商

唐開元二十七年從祀

先賢顏高 唐開元二十七年從祀

先賢壤駟赤 唐開元二十七年從祀

先賢石作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成

唐開元二十七年從祀

先賢公祖旬茲

唐開元二十七年從祀

先賢燕伋

唐開元二十七年從祀

先賢樂欬

唐開元二十七年從祀

先賢狄黑

唐開元二十七年從祀

先賢孔忠

唐開元二十七年從祀

先賢公西蒧

唐開元二十七年從祀

先賢顏之僕

唐開元二十七年從祀

先賢施之常

唐開元二十七年從祀

先賢申棖 唐開元二十七年從祀

先賢左邱明 唐貞觀二十一年以經師從祀

先賢秦冉 唐開元二十七年從祀 明嘉靖九年罷 國朝雍正二年復祀

先賢公明儀 國朝咸豐三年從祀

先賢公都子 國朝雍正二年從祀

先賢公孫丑 國朝雍正二年從祀

先賢張載 宋天禧四年生 熙寧四年卒 年五十八 淳祐元年從祀

先賢程頤 宋明道二年生 大觀元年卒 年七十五 淳祐元年從祀

以上先賢位宋以前從祀者皆稱封爵明嘉靖九

年改稱先賢某子周張程邵五子嘉靖時稱先儒
崇禎十五年改稱先賢位在七十子之下漢唐諸
儒之上

國朝俱稱先賢不稱子

東廡先儒

先儒公羊高

子夏弟子唐貞觀二十一年從祀

先儒伏勝

秦博士唐貞觀二十一年從祀

先儒毛亨

年無考受詩於荀卿以授毛萇按史記楚考烈王二十五年荀卿廢居蘭陵距漢興二十二年太平御覽引毛詩正義云荀卿授漢人魯國毛亨則是秦漢間人同治二年從祀

先儒孔安國

漢武帝時爲博士待中唐貞觀二十一年從祀

先儒后蒼

漢宣帝時爲博士明嘉靖九年從祀

先儒鄭康成

漢永建二年生建安五年卒年七十四唐貞觀二十一年從祀明嘉靖九年改

祀於鄉國朝

先儒范甯

晉咸康五年生隆安五年卒年六十三唐貞觀二十一年從祀明嘉靖九年改祀於

鄉國朝雍正

先儒陸贄

唐天寶十三年生永貞元年卒年五十二國朝道光六年從祀

先儒范仲淹

宋端拱二年生皇祐四年卒年六十四國朝康熙五十四年從祀

先儒歐陽修

宋景德四年生熙甯五年卒年六十六嘉靖九年從祀

先儒司馬光 宋天禧三年生元祐元年卒年六十八咸清三年從祀

先儒謝良佐 宋元豐八年進士生卒年無考與楊時同稱程門四先生國朝道光二十九年從祀

先儒游酢 生卒年待考國朝光緒十八年從祀

先儒羅從彥 宋熙甯五年生紹興五年卒年六十四明萬曆四十二年從祀

先儒李綱 宋元豐六年生紹興十年卒年五十八國朝咸豐元年從祀

先儒張栻 宋紹興三年生淳熙七年卒年四十八景定二年從祀

先儒陸九淵 宋紹興九年生紹熙三年卒年五十四明嘉靖九年從祀

先儒陳淳 宋紹興二十三年生嘉定十年卒年六十五國朝雍正二年從祀

先儒真德秀 宋淳熙五年生端平二年卒年五十八明正統二年從祀

先儒何基

宋淳熙五年生咸淳四年卒年八十一國朝雍正二年從祀

先儒文天祥

宋端平三年五月二日生元至元十九年卒年四十七國朝道光二十三年從祀

先儒趙復

生卒年無考以宋端平二年至北庭當列元儒之首國朝雍正二年從祀

先儒金履祥

宋紹定五年生元大德七年卒年七十二國朝雍正二年從祀

先儒陳澹

宋景定二年生元至正元年卒年八十一國朝雍正二年從祀

先儒方孝孺

元至正十七年生明建文四年卒年四十六國朝同治二年從祀

先儒薛瑄

明洪武二十二年生天順八年卒年七十六國朝從祀

先儒胡居仁

明宣德九年生成化二十年卒年五十一萬曆十二年從祀

先儒羅欽順

明成化元年生嘉靖二十六年卒年八十二國朝雍正二年從祀

先儒呂耕

明成化十五年生嘉靖二十二年卒
年六十四國朝同治二年從祀

先儒劉宗周

明萬曆六年生國朝順治二年卒
年六十八道光二年從祀

先儒孫奇逢

明萬曆十二年生國朝康熙四十一年卒
年九十二道光八年從祀

先儒張履祥

生卒年待考國朝同治十一年從祀

先儒陸隴其

明崇禎三年生國朝康熙三十一年卒
年六十三雍正二年從祀

西廡先儒

先儒穀梁赤

子夏弟子唐貞觀二十一年從祀

先儒高堂生

秦末漢初人唐貞觀二十一年從祀

先儒董仲舒

漢武帝初年對策爲江都相
元至順元年從祀

先儒劉德 漢河間獻王 國朝光緒三年從祀

先儒毛萇 漢河間獻王博士當武帝時 唐貞觀二十一年從祀

先儒杜子春 漢永平初年 唐貞觀二十一年從祀

先儒諸葛亮 漢光和四年生 建興十二年卒 國朝雍正二年從祀

先儒王通 陳至德二年生 隋義甯二年卒 國朝嘉靖九年從祀

先儒韓愈 唐大曆三年生 長慶三年卒 國朝嘉靖九年從祀

先儒胡瑗 宋淳化四年生 嘉祐四年卒 國朝嘉靖九年從祀

先儒韓琦 宋大中祥符元年生 熙甯八年卒 國朝咸豐二年從祀

先儒楊時 宋皇祐五年生 紹興五年卒 國朝宏治八年從祀

先儒尹焯

宋熙甯四年生紹興十二年卒
國朝雍正二年從祀

先儒胡安國

宋熙甯七年生紹興八年卒
年六十五明正統二年從祀

先儒李侗

宋元祐八年生隆興元年卒
年七十一明萬曆四十二年從祀

先儒呂祖謙

宋紹興七年生清熙八年卒
年四十五景定二年從祀

先儒袁燮

宋紹興十五年生嘉定十七年卒
年八十國朝同治七年從祀

先儒黃榦

宋紹興二十二年生嘉定十四年卒
年七十國朝雍正二年從祀

先儒蔡沈

宋乾道三年生紹定三年卒
年六十四明正統二年從祀

先儒魏了翁

宋淳熙五年生嘉定元年卒
年六十國朝雍正二年從祀

先儒王柏

宋慶元生咸淳十年卒年七十八
國朝雍正二年從祀

先儒陸秀夫

宋端平三年十月八日生祥興二年即元至元十六年卒年四十四國朝咸豐九年從祀

先儒許衡

宋嘉定二年生元至元十八年卒年七十二皇慶二年從祀

先儒吳澄

宋淳祐九年生元至元統元年卒年八十五明正統八年從祀嘉靖九年罷國朝乾隆二年復祀

先儒許謙

元至元七年生後至元三年卒年六十八國朝雍正二年從祀

先儒曹端

明洪武九年生宣德九年卒年七十三萬曆十二年從祀

先儒陳獻章

明宣德三年生宏治十三年卒年七十三萬曆十二年從祀

先儒蔡清

明景泰四年生正德三年卒年五十六國朝雍正二年從祀

先儒王守仁

明成化八年生嘉靖七年卒年五十七萬曆十二年從祀

先儒呂坤

明嘉靖十五年生萬曆十六年卒年八十三國朝道光六年從祀

先儒黃道周

明萬曆十三年生

國朝順治三年卒

先儒陸世儀

生卒年無考江蘇太倉州人

先儒湯斌

明天啟七年生國朝康熙三十六年卒

以上先儒位明嘉靖以前從祀者皆稱封爵嘉靖

九年改稱先儒某子

國朝稱先儒不稱子

崇聖祠正位

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

以上正位明嘉靖九年於

大成殿後立啟聖祠祀叔梁公

國朝雍正元年

詔封孔子先世王爵合祀五代更名啟聖祠爲

崇聖祠

東配

先賢孔氏孟皮 國朝咸豐七年配饗

先賢顏氏 名無繇 唐開元二十七年從祀

明嘉靖九年配饗

先賢孔氏 名鯉 宋咸淳三年從祀

明嘉靖九年配饗

西配

先賢曾氏 名皙 唐開元二十七年從祀

明嘉靖九年配饗

先賢孟孫氏 名激 明嘉靖九年配饗

東廡先儒

先儒周氏 名輔 成年無考

明萬曆二十三年從祀

先儒程氏 名珦 宋景德三年生 元祐五年卒

年八十五 明嘉靖九年從祀

先儒蔡氏

名元定宋紹興五年生慶元四年卒年六十四明嘉靖九年從祀

西廡先儒

先儒張氏

名廸年無考國朝雍正二年從祀

先儒朱氏

名松宋紹聖四年生紹興十三年卒年四十七明嘉靖九年從祀

以上先賢先儒位明嘉靖時稱先賢某氏先儒某氏國朝因之

臣

等謹按乾隆十八年議定從祀位次先賢首選

瑗林放蓋以文翁圖列二人於七十二賢之內而伯玉年先於孔子故與林放俱列弟子之首自濬

臺滅明至牧皮悉仍舊次則以史記家語所紀弟子之年既不相合所列弟子之序亦不相同且同爲孔子弟子不能定其先後也孔子弟子之次爲孟子弟子又次爲周張程邵五子五子之中邵子年最長而列四子之下者則於序齒之中兼論道德也張子在二程子之上者以二程父表弟年亦長於二程也至先儒則有時代之可憑有年齒之可據故皆按年序次載在

乾隆年間

欽定會典通禮諸書今先賢中增祀公孫僑公明儀二人
公孫僑年先於蘧瑗應在蘧瑗之上擬以公孫僑
移於東廡第一位蘧瑗移於西廡第一位林放既
與蘧瑗並稱擬移於東廡第二位而移澹臺滅明
於西廡第二位牧皮爲孔子弟子公明儀爲曾子
弟子擬移牧皮於東廡第三十五位移公明儀於
西廡第三十五位其餘先賢之位悉仍其舊以省
東西移易先儒增祀者凡十五人其位次隨時擬
定限於東西多寡之數於時代不無參差今合原

定從祀與續經增祀之儒各就時代按其生平
東一西以次排列庶與乾隆年間

諭旨相符而無凌躐之弊是否有當伏候

欽定奉

旨依議頒行

典禮

祀至聖樂章

迎神昭平之章

大哉孔子先覺先知與天地參萬世之師祥徵麟紱
韻答金絲日月既揭乾坤清爽

初獻宣平之章

予懷明德玉振金聲生民未有展也大成俎豆千古
春秋上丁清酒既載其香始升

亞獻秩平之章

式禮莫愆升堂再獻響協鼗鏞誠孚罍獻肅肅雍雍
譽髦斯彥禮陶樂淑相觀而善

終獻敘平之章

自古在昔先民有作皮弁祭菜於論思樂惟天牖民
惟聖時若彝倫攸敘至今木鐸

徹饌懿平之章

先師有言祭則受福四海覺宮疇敢不肅禮成告徹
毋疏毋瀆樂所自生中原有菽

送神德平之章

鳧繹峩峩洙泗洋洋景行行止流澤無疆聿昭祀事
祀事孔明化我蒸民育我膠庠

祀先師祝文維

先師德隆千古道冠百王揭日月以常行自生民所未有
值文教昌明之會正禮節樂和之時辟雍鐘鼓咸薦
恪於馨香泮水膠庠益致嚴於籩豆茲當仲春祇率秋
彝章肅展微忱聿將祀事配以

復聖顏子

聖孟子

尙享

宗聖曾子

述聖子思子

五帝紀
卷之五
三十一
祀五王祝文維

王奕葉鍾祥光開聖緒盛德之後積久彌昌凡聲教所覃
敷率循源而溯本宜肅明禋之典用申守土之忱茲
當仲春聿修祀事配以顏氏曾氏孔氏孟孫氏尙享
咸豐四年奉部頒祀關聖樂章

格平

迎神

懿鑠兮焜煌神威靈兮赫八方偉烈昭兮累

禩祀事明兮永光達精誠兮黍稷馨香儼如在兮洋
洋

翊平

初獻

英風颯兮神格思紛翠蓋兮龍旂剡桂醕兮

盈卮香始升兮明燄惟降鑒兮在茲流景祚兮翊昌

時

恢平

亞獻

觴再酌兮告虔舞千戚兮合宮懸歆苾芬兮

潔蠲扇巍顯翼兮神功宣

靖平

終獻

鬱鬯兮三申羅籩簋兮畢陳儀卒度兮肅明

禋神降福兮宜民宜人

彝平

徹饌

物惟備兮咸有明德維馨兮神其受告徹兮

禮終罔咎佑我家邦兮孔厚

康平

送神

幢葆歲蕤兮神聿歸馭鳳軫兮驂虬駢降緇

緼兮餘紛緋願回靈盼兮德洽明威

康平

送神

焄蒿烈兮燎有輝神光遙燭兮祥雲霏祭受

福兮茂典無違庶揚駿烈兮永奠

疆畿

祀關聖祝文維

帝浩氣凌霄丹心貫日扶正統而彰信義威震九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值仲春嘉辰遵行祀典筵陳籩豆凡奠牲醪尙享

祀三公祝文維

公世澤貽庥靈源積慶德能昌後篤生神武之英善則歸
親宜享尊崇之報列上公之封爵錫命優隆合三世
以肇禋典章明備恭逢仲春諏吉祇事薦馨尚享
奉部頒祀文帝樂章

迎神丕平之章

秉正氣兮靈纏翊文運兮赫中天
蜺旌兮戾止雕組兮告虔迓神庥
兮于萬斯年

初獻俶平之章

神之來兮籩簋式陳神之格兮几筵式親
極昭彰兮

靈貺致潔蠲兮明禋升香兮伊始居歆兮佑我人氏
亞獻煥平之章

再酌兮瑤觴燦爛兮庭燎之光申虔禱兮神座儼陟
降兮帝旁粢醴潔兮齋邀將綏景運兮靈長
終獻煜平之章

禮成三獻兮樂奏三終覃敷元化兮繫神功馨香答
兮肸鬻通歆明德兮昭察寅衷

徹饌懿平之章

備物兮維時告徹兮終禮儀神悅怡兮鑒在茲垂宏

佑兮累治重熙

送神蔚平之章

雲輶駕兮風旗昭神之歸兮天路遙瞻翠葆兮企丹
霄願回靈盼兮福我朝

送神蔚平之章

氤縕降兮元氣和神光遙燭兮梓橦之阿化成耆定
兮彙弓戢戈文治光昭兮受福則那

祀文昌後宮祝文維

文昌帝君道備中和神超亭壽稟詒謀而允紹欽毓聖之

有基雲漢昭回際嶽降崧生之會馨香感格興水源
木本之思式肇明禋用光彝典仰祈神鑒享此清芬

學額

按永甯州學原額每考取進文武生員各八名道光十八年州紳士呈請申詳會

題准加增文額二名武額一名每考取進文生員十名武生員九名定爲例

奏會底

禮部等部謹

奏爲遵

旨議奏事道光十八年正月二十九日禮科抄出貴州巡撫賀長齡等題覆永甯州應考文武童生實在人數請加增學額一疏奉

旨該部議奏欽此欽遵到部查貴州永甯州學額進八名道光十七年該撫等以該州人文日盛應考生童共四百餘人題請將文武童生學額各增取四名以示鼓勵當經臣查該撫等所題係將生童合計並未確查應考文章名數分晰題明亦未將應考武童聲明人數奏明請

旨飭查在案茲據該撫等題稱查該州儒學冊內舊管文
生一百五十五名武生八十五名本年考試應考漢
苗文童四百二十二名武童三百二十六名較同郡
州縣應考人數實係有盈無絀於原額取進文武童
生各八名之外加增四名並無冒濫等語臣等查各
省學額例有定制本不容輕議加增惟永甯州爲漢
苗並處之地現據該撫等查明近年以來人文日盛
所屬民苗咸知誦讀本年考試應考文童四百餘名
是該州涵濡

聖化多士奮興自應將原設學額量予變通庶使苗疆士
子益加勸勉但該州原額例止八名今該撫等請於
額外加增四名爲數未免過多臣等公同酌議應請
於原設學額八名外准其增額二名照該省普安廳
之例定爲額進十名似於優恤之中仍足以昭限制
至該州應考武童人數據該撫聲明現有三百餘名
其武童學額兵部查貴州永甯州武童學額原定八
名今該撫題稱考試應考文武童生較同郡州縣實
係有盈無絀請於原額取進八名之外加增四名等

語查文武童生事同一例但文童應試者四百二十
二名武童應試者僅三百二十六名若照文童之例
亦加額二名似無區別臣部按數定額准其於原設
八名之外加增一名以昭平允所有臣等核議緣由
是否有當伏候

命下臣等行文該督撫學政遵奉施行再此摺係禮部主
稿合併聲明為此謹

奏請

旨

義舉章程

一學官向收了口寨租穀自咸豐初年議定章程每年送薪水銀壹百兩科歲考幫送考銀貳拾兩以作文武童報名印儀之費逢閏月不送如遇新舊交卸租穀薪水俱按交印日期攤算惟楊家寨租係勸辦丁祭之款亦照曾否辦祭交代以昭平允新生入學謁見時每名自備紋銀壹兩貳錢如遇恩加額取進恩生亦照壹兩貳錢奉送因向章於補廩出貢取

文印儀項內未曾議及不無多取少送之弊煥文因
集同學妥議每年加薪水銀貳拾兩歲試送考日久
多幫銀拾兩自光緒丙戌歲考起凡遇補廩出貢取
文印儀照新生送銀壹兩貳錢年中薪水由齋長按
月支送歲科試幫款府考時送戩照貴平

一文武童生取草榜後謁見贊儀銀叁錢取定正榜
後不得再取贊儀印親供竹本銅錢叁伯文並無格
外小費

一文童報名銀貳錢武童叁錢入廩保各下來遲補

考者廩保仍取貳錢學師貳錢書斗壹錢在府贖名
廩保肆錢學師肆錢書斗貳錢武童倣此如文武童
生離城寫遠無人認實者必須邀集寨鄰紳士上前
加結方准報名進學後每名送廩保禮銀壹兩貳錢
如未在州過考者不准在府贖名因近年在府贖名
歧考冒籍容易混入如係本屬童生州考時有事故
者必須稟明學師備文送州補試後方許在府贖名
以杜弊端

一廩保歲考派伍名科考派叁名按補廩次序輪派

不許攙越賄讓送院考後每人由齋長送銀壹拾伍兩倘有保冒籍歧考者扣除學中應領公款罰停充一輪以示薄儆

一禮房卷資向撥河口卷田自行收理歲考幫銀伍拾兩科考幫銀貳拾伍兩新生紅卷每名取銀壹兩貳錢

一科場賓興銀壹伯兩無論正科 恩科一例發給係舊章

一北賓興向撥大龍潭租穀貳拾石新中式者得全

數老科照人數均分向未敘明武舉有無發給光緒
已卯某武舉來爭此款經衆學公議撥穀拾石以作
幫費以科場賓興從未散給武生之事証之則北賓
興之向未發給可知嗣後凡遇舉人進京以領下火
牌後方送如有事故中止仍將原封追回雖係美舉
亦須自愛免滋物議

一北賓興向缺拔貢一款今議拔貢優貢進京照幫
銀貳拾兩新中進士及京官榮歸送花紅銀貳拾兩
點庶常從衆議幫勿論舉貢進士出仕補缺後幫公

款銀貳伯兩入公添置產業於所議外格外從豐更屬美舉教官量力不得泥此以苦人所難

一學書門斗工食向於梭竹田地租撥給亂後減成攤給仍由齋長出墨飛給伊自收童生報名見補考續名条下取進後每名送書斗銀陸錢補廩出貢均照送陸錢惟科考紅卷一本歲考紅卷二本禮房卷費既有成規仍應畫一免致紛爭今撥者棒新寨租穀幫補書斗名下應賣紅卷亦照取壹兩貳錢不得格外索取

一考拔報名銀捌錢考取後出文印儀照出貢送銀壹兩貳錢書斗貳錢優貢倣此補增錄遺補考等事取文印儀照舊取銀叁錢丁憂叁錢起服伍錢生員考古無報名費廩生取壹案無贅儀惟童生考古取報名銀叁錢

二義學向設四處坡貢募役有田附近不由本城給發惟關嶺義學穀貳拾石向由齋長給飛撥馮今因高寨租穀變價照本城義學送銀壹拾陸兩必須學師會同州尊擇人教讀不得仍照輪流陋習致悞貧

寒子弟

一齋長向有寄存銀兩及義倉諸名目未議薪水現
在人少不能照舊僅安三人一人管理書院一人管
賓興義舉一人管學師薪水祭款課穀各管一年向
來開銷薪水穀叁拾陸石夫馬銀拾貳兩今每年每
人薪水銀壹拾陸兩總以學師同衆公議舉薦殷實
老成三人由州給札充當每年出入於八月二十七
日祝 聖誕後在明倫堂面算開具清摺由學移州
備案無虧空者以三年更換爲定倘有侵蝕隨時稟

官更換追繳免虧公項

一 祭款向撥落蟒年利板王許杼租穀如穀價不敷
方於別項挪移不得用少報多致遭物議

一 入籍向以三十年爲定申戶出銀叁拾兩上戶由
叁拾兩以上至百兩不等量力捐助培補學宮如在
本籍多年未過考者亦隨力捐助功德銀兩果係貧
寒者不取俾免寒暖向隅冒籍歧考之禁功令綦嚴
州屬與鎮甯郎岱接壤每於插花地面往往以田園
廬墓借口甚至聯宗過繼等弊不一而足總由州學

義舉較多希圖進學少用規費起見以後勿論有糧
與否總要在州屬地面住坐查其並無別屬學分可
考者方准邀集寨鄰紳士多人加結入籍照上項所
議量力捐助如加結之人通同作弊查出稟官將本
童名字扣除加結人倍罰示儆如未住州屬地面雖
捐助亦不許管事人收其入籍免壞學規非畛域之
見太明遵功令也

一各處田地租穀年例減去三四成不等以現收實
數標首其下註明原收之數新添之業註明原委使

閱者了然已定價者按兩季催收限五月十五冬月
十五一例繳清未定價者約百餘石按實價算不得
賣多報少致壞心術亦不許經管不力致費公事

一舊章分註書院賓興卷資各莊業名目今義舉加
多若界限過分反成膠柱之勢倘遇公事三人公同
上前勿得互推誤公向章載明不許將公項借貸外
人亦不許在外借貸老成之言煞有關係

一文閣火神廟僧人香燈伙食向由學中撥納亞
穀今已變價作爲義舉酌撥零星租穀以作香燈

食之費年中由齋長給飛攜收以便稽察

一學中向有義倉田地亂後荒蕪未能如舊存儲前許州尊任內清出官莊田租十五石九斗康寨老白頭田地租三石五斗收附州署義倉所餘義田三坊以公項支絀撥添文閣火神廟伙食註明於此免與舊志參差

以上各款遵照舊章所議間有變通之處新增之條與前未盡符合總按近年舉行悉心妥議期爲地方永遠遵循章程各處莊業已載舊志者不贅

其後來添置者列入食貨志

兵防



